

Área de RRHH  
e Formación



CONCELLO  
DE VIGO

**ÓRGANO DE SELECCIÓN (TRIBUNAL 3) DA O.E.P - ESTABILIZACIÓN DE EMPREGO TEMPORAL DO CONCELLO DE VIGO POLO PROCEDIMENTO CONCURSO**

**ANUNCIO**

- *Resolución das RECLAMACIÓNS VARIAS presentadas polos/as aspirantes:*
  - *VIEIRA PARADA, A. B (DNI \*\*\*3435\*\*)*
  - *SILVA PEREIRA, B (DNI \*\*\*0358\*\*)*
  - *RODRÍGUEZ GARCÍA, Y (DNI \*\*\*7028\*\*)*
  - *FERNÁNDEZ IGLESIAS, B. A (DNI \*\*\*5354\*\*)*
  - *MONZÓN PÉREZ, E (DNI \*\*\*5354\*\*)*
  - *RAMOS GARCÍA, F (DNI \*\*\*9888\*\*)*

Comunicase aos/ás aspirantes que contra a desestimación das reclamacións poderase interpoñer recurso de alzada perante a Xunta de Goberno Local no prazo de un mes contado a partir do seguinte a esta publicación.

O Órgano de Selección (Tribunal 3) da O. E. P- Estabilización de Emprego Temporal do Concello de Vigo polo procedemento concurso, adoptou nas sesión celebrada en data 20 de decembro de 2024 o seguinte

**ACORDO**

**VIEIRA PARADA, A. B (DNI \*\*\*3435\*\*):**

Revisada a resolución das reclamacións presentadas ao Proceso nº 34, AUXILIAR ADMINISTRATIVO/A, FUNCIONARIO/A DE CARREIRA, detéctase que a reclamación presentada por VIEIRA PARADA, A. B (DNI \*\*\*3435\*\*), non ten sido resolta por este Órgano de Selección. Deste xeito, procédese á resolución da mesma, previo asesoramento da Secretaria.

Reclamación ao Proceso nº 34, AUXILIAR ADMINISTRATIVO/A, FUNCIONARIO/A DE CARREIRA, SUBGRUPO C2, con Doc. nº 240354721, data presentación 19/11/2024.

- Alega: Solicita que se lle valore o mérito profesional, servizos prestados no Concello de Vigo e mailo mérito académico, Procesos selectivos superados no Concello de Vigo. Entende que ten acreditado ditos méritos de acordo co previsto nas Bases do concurso.
- Motivación da Proposta: Desestimar motivos 1º- 2º- 8º.



- Acordo sesión 20/12/2024: Desestimar a reclamación presentada con Doc. Nº 240354721 por VIEIRA PARADA, A. B (DNI \*\*\*3435\*\*).

• **SILVA PEREIRA, B (DNI \*\*\*0358\*\*):**

Dentro do prazo extraordinario outorgado polo Órgano de Selección na sesión celebrada en data 22/11/2024, o aspirante DNI \*\*\*0358\*\*, presentou Reclamación Extraordinaria ao Proceso nº 39 - OFICIAL INSTALACIÓNS DEPORTIVAS, con Doc. nº 240388930, data presentación 13/12/2024.

- Alega: Solicita que se lle devolvan os 60 puntos retirados polo mérito profesional servizos prestados no Concello de Vigo.

- Motivación da Proposta: Desestimar motivo 1º- 3º.

- Acordo sesión 20/12/2024: Desestimar a reclamación presentada por SILVA PEREIRA, B (DNI \*\*\*0358\*\*), con Doc. nº 240388930, data presentación 13/12/2024.

O Órgano de Selección na sesión celebrada en data 22 de novembro de 2024, atendendo a reclamación presentada pola aspirante PORTAS SAAVEDRA, M.J (DNI \*\*\*1235\*\*), con Doc. nº 240304004, data presentación 03/10/2024, ás puntuacións provisionais do Proceso nº 39 OFICIAL INSTALACIÓNS DEPORTIVAS. LABORAL FIXO, SUBGRUPO C2, acordou estimar a reclamación da Sra. Portas e revisar as puntuacións asignadas ao resto de aspirantes dese proceso tendo en conta só o tempo acreditado como traballado na categoría de Oficial de Instalacións Deportivas por canto as bases do concurso só permiten puntuar os servizos cando foron prestados no propio corpo, escala, subescala ou categoría á que se desexa acceder. Consecuentemente non cabe puntuar servizos prestados nun posto de traballo pertencente a un grupo ou subgrupo diferente ao que se desexa acceder. Tampouco cabe valorar os servizos prestados nun posto de traballo que aínda que pertenza ao mesmo grupo ou subgrupo, estea configurado no cadro de persoal con praza diferente e teña asignadas na guía de funcións de 26/06/2020, funcións diferentes e propias ás asignadas á praza a que se desexa acceder. Lémbrese que estamos nun proceso de estabilización de emprego temporal que se realiza por mandato da Lei 20/2021, de 28 de decembro, de medidas urxentes para a redución da temporalidade no emprego público.

Realizada a revisión solicitada pola aspirante Sra. Portas Saavedra aos aspirantes do Proceso nº 39-OFICIAL INSTALACIÓNS DEPORTIVAS, LABORAL FIXO, SUBGRUPO C2- a puntuación asignada polo concepto servizos prestados no Concello de Vigo quedou do seguinte xeito:

ASPIRANTE NOME E APELIDOS - DNI	SERVIZOS PRESTADOS NO CONCELLO VIGO E O.A	TOTAL MÉRITOS PROFESIONAIS	TOTAL M.PROF + M.ACADEM.
BASTOS CABALEIRO, F ***7239**	14,40	14,40	<b>54,40</b>
FOUZ ARES, M.J ***3886**	7,20	7,20	<b>12,20</b>
LÓPEZ DAVILA, D ***4487**	14,40	14,40	<b>54,40</b>
MEIRA SUAREZ, J.M ***7548**	0	0	<b>40</b>
PORTAS SAAVEDRA, M.J ***1235**	93,60	93,60	<b>100</b>
RODRÍGUEZ GARCÍA, Y ***7028**	24,60	24,60	<b>32,60</b>
SIERRA FERNÁNDEZ, P ***9307**	0	0	<b>40</b>
<b>SILVA PEREIRA, B ***0358**</b>	<b>0</b>	<b>0</b>	<b>40</b>
VÁZQUEZ RODRÍGUEZ, J ***3241**	0	11,40	<b>44,20</b>

SILVA PEREIRA, B (DNI \*\*\*0358\*\*), pasou neste proceso nº 39 de 98,40 (max. 60) puntos a 0 puntos polo mérito profesional, concepto servizos prestados no Concello de Vigo, xa que a declaración responsable achegada coa solicitude en data 19/03/2024, declara servizos prestados como Oficial de Mantemento de



Copia do documento - Concello de Vigo 240400270	Data impresión: 27/12/2024 12:15 CSV: A8A2C8-41C932-CCB3B8-FE8KGR-LF2ARE-FD	Páxina 2 de 8
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Deportes que non se corresponden coa categoría da praza á que aspira neste proceso nº 39 de Oficial de Instalacións Deportivas. Ao aspirante, Sr Silva, xa se lle teñen valorado os servizos como Oficial de Mantemento de Deportes no Proceso nº 40 de Oficial Mantemento Deportes.

Deste xeito a puntuación total obtida por Silva Pereira pasou de 100 puntos a 40 puntos no proceso nº 39 de OFICIAL INSTALACIÓNS DEPORTIVAS, LABORAL FIXO, SUBGRUPO C2 (Expte. 43793/220).

• **RODRÍGUEZ GARCÍA, Y (DNI \*\*\*7028\*\*):**

Dentro do prazo extraordinario outorgado polo Órgano de Selección na sesión celebrada en data 22/11/2024, o aspirante DNI \*\*\*7028\*\*, presentou Reclamación Extraordinaria aos Procesos nº 38/39, con Docs. nº 240390881-240390883, data presentación 16/12/2024.

- Alega Doc. 240390881: Solicita que se lle devolvan os 24,60 puntos retirados polo mérito profesional, servizos prestados no Concello de Vigo no Proceso 38 (OFICIAL INSTALACIÓNS MUNICIPAIS) e se lle asignen 4,20 puntos mais (24,60 + 4,20) polos servizos prestados como auxiliar da Admón. Xeral. Reclama se lle asignen 28,80 puntos polo mérito profesional servizos prestados no Concello de Vigo no Proceso 38.

- Motivación da Proposta: Desestimar motivo 1º- 3º.

-Acordo sesión 20/12/2024: Desestimar a reclamación presentada con Doc. 240390881 por RODRÍGUEZ GARCÍA, Y (DNI \*\*\*7028\*\*).

- Alega Doc. 240390883: Solicita que se lle asignen 28,80 puntos polo mérito profesional, servizos prestados no Concello de Vigo no Proceso 39 (OFICIAL INSTALACIÓNS DEPORTIVAS) e se lle valoren os servizos prestados como auxiliar da Admón. Xeral.

- Motivación da Proposta: Desestimar motivo 1º- 3º.

- Acordo sesión 20/12/2024: Desestimar a reclamación presentada con Doc. 240390883 por RODRÍGUEZ GARCÍA, Y (DNI \*\*\*7028\*\*).

• **FERNÁNDEZ IGLESIAS, B. A (DNI \*\*\*5354\*\*):**

Reclamación ao Proceso nº 34/35, con Doc. nº 240391474, data presentación 17/12/2024.

Alega: Non tendo sido convocada á realización da proba de coñecemento da lingua galega para o vindeiro 23/12/2024, non comprende a súa exclusión da realización da mesma.

Acordo sesión 20/12/2024: Desestimar a reclamación presentada por FERNÁNDEZ IGLESIAS, B. A (DNI \*\*\*5354\*\*), con Doc. nº 240391474, data presentación 17/12/2024, por canto tan só deben realizala mesma os/as aspirantes que tendo unha puntuación total de 50 puntos o mais non tivesen acreditado o Celga correspondente ao subgrupo. A Sra. Fernández obtivo menos de 50 puntos totais no procesos 34 e 35 (Base Décimo Quinta das Xerais).

• **MONZÓN PÉREZ, E (DNI \*\*\*5354\*\*):**

Reclamación ao Proceso nº 34, con Doc. nº 240392111-240392133, data presentación 18/12/2024.

Alega: Tendo sido convocada á realización da proba de coñecemento da lingua galega para o vindeiro 23/12/2024, non comprende que deba realizar a mesma por canto posúe Celga 4 e curso de Linguaxe administrativa superior e medio.

Acordo sesión 20/12/2024: Desestimar a reclamación presentada por MONZÓN PÉREZ, E (DNI \*\*\*5354\*\*), con Doc. nº 240392111-240392133, data presentación 18/12/2024, por canto non acreditou dentro do prazo regulamentario estar en posesión do Celga 3. Achega a documentación con carácter extemporáneo.



Copia do documento - Concello de Vigo	Data impresión: 27/12/2024 12:15	Páxina 3 de 8
240400270	CSV: A8A2C8-41C932-CCB3B8-FE8KGR-LF2ARE-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

- **RAMOS GARCÍA, F (DNI \*\*\*9888\*\*):**

Dentro do prazo extraordinario outorgado polo Órgano de Selección na sesión celebrada en data 29/11/2024, o aspirante DNI \*\*\*9888\*\*, presentou Reclamación Extraordinaria ao Proceso nº 37, OFICIAL SEPULTUREIRO, con Doc. nº 240393549, data presentación 18/12/2024.

- Alega: Solicita que se lle concedan 40 puntos polo mérito académico, cursos de formación, se lle valoren os cursos do ARAG.
- Motivación da Proposta: Desestimar motivo 1º- 7º. Este prazo de alegación extraordinaria era para alegar unicamente ao rebaixe da puntuación do mérito profesional, servizos prestados no concello de Vigo.
- Acordo sesión 20/12/2024: Desestimar a reclamación presentada con Doc. Nº 240393549 por RAMOS GARCÍA, F (DNI \*\*\*9888\*\*).

#### A SECRETARIA DO ÓRGANO DE SELECCIÓN

Asdo: Rosa Ana Garcinuño Barreiro  
(Data segundo sinatura dixital que consta ao marxe)

### **MOTIVOS DE DESESTIMACIÓN OU ESTIMACIÓN DAS RECLAMACIÓN PRESENTADAS**

**MOTIVO 1º.- As bases do concurso de méritos constitúen a norma reguladora do proceso. A presentación de solicitude de participación no proceso selectivo implica a plena aceptación e sen condicións das bases que rexen o mesmo.**

O art. 15 apartados 4 e 5 do Real Decreto 364/1995, de 10 de marzo, polo que se aproba o Regulamento Xeral de Ingreso, establece: “4. Las bases de las convocatorias vinculan a la Administración y a los Tribunales o Comisiones Permanentes de Selección que han de juzgar las pruebas selectivas y a quienes participen en las mismas. 5. Las convocatorias y sus bases, una vez publicadas, solamente podrán ser modificadas con sujeción estricta a las normas de la Ley de Régimen Jurídico de las Administraciones Públicas y del Procedimiento Administrativo Común”.

Unha vez aprobadas e publicadas as bases, constitúen a norma reguladora do proceso. Deste xeito, sendo as bases da convocatoria as regras do xogo que van a obrigar a todos/as os/as participantes e á propia Administración, o momento da súa impugnación debe ser, con carácter xeral, o da formulación de ditas normas, a fin de que de xeito anticipado se resolvan as eventuais cuestións de legalidade e, no caso de non impugnación, o proceso se desenvolva conforme ás bases aceptadas de xeral aplicación. Por outra banda, cabe afirmar que tampouco concorre causa de nulidade de pleno dereito sobre as mesmas que vulnere dereito fundamental algún que permita unha excepcional e extemporánea impugnación das bases neste intre procedemental.

A Base Xeral deste concurso (BOPPO nº 249, 30 de decembro de 2022), Vid. Anexo II -Base Quinta-, apartado 2º, dispón que “a presentación de solicitude de participación no proceso selectivo implica a plena aceptación e sen condicións das bases que rexen o proceso de selección”. Así pois, os/as aspirantes que non estaban de acordo coas bases deberon impugnalas trala súa aprobación, cosa que non aconteceu, por canto debeñen firmes.



Copia do documento - Concello de Vigo	Data impresión: 27/12/2024 12:15	Páxina 4 de 8
240400270	CSV: A8A2C8-41C932-CCB3B8-FE8KGR-LF2ARE-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

O principio de que as bases da convocatoria constitúen a lei do concurso ten sido reiterado continuamente pola xurisprudencia. Este principio está recoñecido pola xurisprudencia máis antiga do Tribunal Supremo: SSTS de 25 de febreiro, 1, 21 e 27 de maio e 2 de xullo de 1946, 8 e 28 de marzo, 5, 8 e 9 de xullo de 1947 e 9 de xuño de 1948. Esta doutrina tense mantido invariable ao longo dos anos ata nosos días (SSTS de 3 de xullo de 1984, 12 de xuño de 1991, 7 de abril de 2006 e 27 de maio de 2010, por citar só algunhas). Do mesmo xeito os Tribunais Superiores de Xustiza das Comunidades Autónomas tamén teñen feito súa esta doutrina dende a súa creación e son numerosas as sentenzas que ditadas neste sentido. Por exemplo, a STSJ de Cataluña núm. 156/2010, de 11 de febreiro (Sala de lo Contencioso-Administrativo, Sección Cuarta, recurso de apelación núm. 270/2007).

**MOTIVO 2º.- Acreditación do mérito profesional alegado “Servizos prestados no Concello de Vigo”:  
Mediante declaración xurada-responsable ou certificación.**

A Base Xeral deste concurso de méritos (BOPPO nº 249, de 30 de decembro de 2022), vid. Anexo II -Base Quinta-, onde se regula o contido da solicitude de participación, establece que debe achegarse coa mesma unha *“relación dos méritos alegados e copia simple da documentación acreditativa dos mesmos. Só se terán en conta os méritos que se xustifiquen documentalmente dentro do prazo de presentación de solicitudes”*.

Este apartado das Bases debe poñerse en relación coa Base Décima.1º que indica como se acreditan os servizos prestados (méritos profesionais) no Concello de Vigo e no ámbito doutras Administracións Públicas. Dispón que os méritos profesionais se acreditarán con certificación expedida polo órgano competente da Administración Pública correspondente, non obstante, establece que, como excepción, se o mérito que se alega é ter servizos prestados no Concello de Vigo, bastará con facelo constar en *“declaración xurada”* que se presentará xunto coa solicitude e na cal figure a data ou datas de inicio e finalización dos servizos ao Concello e o departamento, servizo ou unidade na que se prestaron.

Cómpre distinguir entre alegar un mérito e xustificalo documentalmente. A relación de méritos serve unicamente para alegar o mérito pero debe xustificarse documentalmente, ben coa declaración xurada/responsable ou con certificación, dentro do prazo de presentación de instancias que finalizou o pasado 21/03/2024. Deste xeito as xustificacións documentais presentadas fora de prazo, concretamente co escrito de reclamación ás puntuacións agora publicadas, non poden ser tidas en conta por extemporáneas.

O art 69 da Lei 39/2015, de 1 de outubro, do Procedemento Administrativo Común das Administracións Públicas (LPAC), dispón que declaración responsable é o documento subscrito por un interesado no que este manifesta, baixo a súa responsabilidade, que cumpre cos requisitos establecidos na normativa vixente para obter o recoñecemento dun dereito ou facultade ou para su desenvolvemento.

Asemade, tampouco cabe partindo do art 53.1.d) da LPAC, que regula os dereitos do interesado no procedemento administrativo, alegar o dereito a non presentar datos e documentos non esixidos polas normas aplicables ao procedemento de que se trate, que xa se atopen en poder das Administracións Públicas o que teñan sido elaborados por estas. E non cabe dito argumento xa que a norma aplicable ao procedemento, que son as Bases, obrigan claramente a presentar ben declaración xurada ou ben certificación.

Sentada esta premisa, ¿poderíase solicitar á Área de Recursos Humanos do Concello de Vigo que, tras finalizar o prazo de presentación de instancias do concurso que aconteceu o 21/03/2024, certificara os servizos prestados neste Concello con relación aos aspirantes que tan só os alegaron na relación de méritos pero non os acreditaron documentalmente coa declaración xurada? A resposta a esta pregunta debe ser negativa, pois de non ser así estaríase outorgando un trato de favor con relación a aqueles aspirantes que teñen alegado na relación de méritos, pero non os acreditaron con certificación, servizos prestados noutras Administracións Públicas distintas ao Concello. Consecuentemente, tamén teríamos que solicitar a esas Administracións a remisión dos certificados por servizos prestados nelas, o que, sen dúbida, supón unha vulneración directa e grave das bases.

Considerando o exposto, o mérito profesional- servizos prestados no Concello de Vigo- ten sido valorado polo órgano de selección TRIBUNAL 3, do mesmo xeito a todos/as aspirantes participantes en tódolos procesos encomendados a este Órgano de Selección (Procesos 21-22-23-24-25-26-27-28-29-30-31-32-33-34-35-36-37-38-39-40-41-42 e 43) respectando o principio constitucional de igualdade (art 14 CE).



Copia do documento - Concello de Vigo	Data impresión: 27/12/2024 12:15	Páxina 5 de 8
240400270	CSV: A8A2C8-41C932-CCB3B8-FE8KGR-LF2ARE-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

As reclamacións desestimadas por este MOTIVO 3º obedecen a que o/a aspirante non acreditou documentalmente o mérito profesional -servizos prestados no Concello de Vigo- coa declaración xurada/responsable ou con certificación, dentro do prazo de presentación de instancias que finalizou o pasado 21/03/2024.

**MOTIVO 3º.- Mérito profesional “Servizos prestados no Concello de Vigo”: Servizos que se valoran.**

A Base Xeral Décima 1.a), apartado Méritos Profesionais, concepto Servizos prestados no Concello de Vigo, só permite puntuar os servizos cando foron prestados no propio corpo, escala, subescala ou categoría á que se desexa acceder.

Consecuentemente non cabe puntuar servizos prestados nun posto de traballo pertencente a un grupo ou subgrupo diferente ao que se desexa acceder. Tampouco cabe valorar os servizos prestados nun posto de traballo que, aínda que pertenza ao mesmo grupo ou subgrupo, estea configurado no cadro de persoal con praza diferente e teña asignadas na guía de funcións de 26/06/2020, funcións diferentes e propias ás asignadas á praza a que se desexa acceder. Lémbrese que estamos nun proceso de estabilización de emprego temporal que se realiza por mandato da Lei 20/2021, de 28 de decembro, de medidas urxentes para a redución da temporalidade no emprego público.

Entendese por servizos prestados, segundo consta na Base Xeral Décima 1, os que derivan dunha contratación laboral temporal ou da condición de persoal funcionario interino, polo que non procede valorar os servizos prestados como funcionario eventual.

Outórgase 0,60 puntos por cada mes completo de servizos prestados con vinculación temporal, ata un máximo de 60 puntos. Non se valoran as fraccións de mes, entendendo un mes por 30 días naturais.

**MOTIVO 4º.- Mérito profesional “Servizos prestados no ámbito doutras Administracións”: Servizos que se valoran.**

O/a aspirante acredita prestar servizos no ámbito doutras Administracións Públicas noutro corpo, escala, subescala ou categoría diferente á que desexa acceder. A Base Xeral Décima 1.B), aplicable a este proceso, publicadas no BOPPO nº 249, de 30 de decembro de 2022, establece que só se puntuarán servizos prestados no ámbito doutras Administracións Públicas no propio corpo, escala, subescala ou categoría á que se desexa acceder. Non se valoran os servizos prestados como persoal funcionario eventual, sendo valorados os que derivan dunha contratación laboral temporal ou da condición de persoal funcionario interino, sempre que teñan sido prestados no propio corpo, escala, subescala ou categoría á que se desexa acceder. Non se valoran os servizos prestados en empresas privadas.

**MOTIVO 5º.- Procede valorar o mérito académico, titulacións académicas oficiais superiores ao nivel de titulación requirido para o acceso ao proceso selectivo (Base Xeral Décima. 2 a).**

O/a aspirante achegou coa súa instancia o título académico oficial correspondente segundo establece a Base Xeral Décima.2.a), que erróneamente non foi tido en conta polo Órgano de Selección na valoración dos méritos alegados e acreditados polo aspirante no prazo regulamentario.

**MOTIVO 6º.- Procede valorar o mérito académico, cursos de formación (Base Xeral Décima. 2 b).**

O/a aspirante achegou coa súa instancia o/os diplomas pertinentes que erróneamente non foron tidos en conta polo Órgano de Selección na valoración dos méritos alegados e acreditados polo aspirante no prazo regulamentario.

**MOTIVO 7º.- Non procede valorar o mérito académico, cursos de formación (Base Xeral Décima. 2 b).**

O curso/s que o/a aspirante reclama que se lle puntúe non cumpre cos requisitos establecidos na Base Xeral Décima 2ª, méritos académicos, cursos de formación (vid. BOPPO nº 249 de 30/12/2022) ben por non estar impartidos ou recibidos por Administracións Públicas ou homologados, ou por outras entidades do sector público, ou por non estar impartidos no ámbito da formación para o emprego ou dentro dos acordos de



Copia do documento - Concello de Vigo	Data impresión: 27/12/2024 12:15	Páxina 6 de 8
240400270	CSV: A8A2C8-41C932-CCB3B8-FE8KGR-LF2ARE-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

formación continua, cuxo contido de estar directamente relacionado coas funcións propias da praza da convocatoria.

Ou ben estando impartidos ou recibidos por Administracións Públicas ou homologados, ou por outras entidades do sector público, ou impartidos no ámbito da formación para o emprego ou os acordos de formación continua, o seu contido non está directamente relacionado coas funcións propias da praza da convocatoria, nin supón formación de carácter transversal.

**MOTIVO 8º.- Acreditación do mérito académico alegado “Haber superado un proceso selectivo completo de funcionario de carreira ou persoal laboral fixo do Concello de Vigo ou nos seus Organismos Autónomos en prazas do mesmo corpo, escala, subescala ou categoría á convocada, sen haber obtido praza”: Mediante declaración xurada-responsable ou certificación. Só se valoran os procesos do Concello de Vigo e dos seus O.A. Non se valoran os doutras Administracións Públicas.**

Non se valoran procesos selectivos aprobados noutras Administración Públicas, deben ser no Concello de Vigo e ter todos os exercicio aprobados.

A Base Xeral deste concurso de méritos (BOPPO nº 249, de 30 de decembro de 2022), vid. Anexo II -Base Quinta-, onde se regula o contido da solicitude de participación, establece que debe achegarse coa mesma unha “*relación dos méritos alegados e copia simple da documentación acreditativa dos mesmos. Só se terán en conta os méritos que se xustifiquen documentalmente dentro do prazo de presentación de solicitudes*”.

Este apartado das Bases debe poñerse en relación coa Base Décima. 2º. c) que indica como se acreditan ter superado procesos selectivos. Dispón que este mérito académico se acreditará, dentro do prazo de presentación de instancias, con declaración xurada que se presenta coa solicitude.

Cómpre distinguir entre alegar un mérito e xustificalo documentalmente. A relación de méritos serve unicamente para alegar o mérito pero debe xustificarse documentalmente con declaración xurada ou certificación.

Neste motivo 8º debe darse por reproducida a fundamentación exposta no motivo 2º.

**MOTIVO 9º.- Acreditación do mérito profesional alegado “Servizos prestados no ámbito doutras Administracións Públicas no propio corpo, escala, subescala ou categoría á que se desexa acceder”: Mediante certificación expedida polo órgano competente da Administración Pública correspondente. O/a aspirante non acreditou documentalmente o mérito profesional -servizos prestados no ámbito doutras Administracións Públicas coa certificación debidamente cumprimentada dentro do prazo de presentación de instancias que finalizou o pasado 21/03/2024.**

A Base Xeral deste concurso de méritos (BOPPO nº 249, de 30 de decembro de 2022), vid. Anexo II -Base Quinta-, onde se regula o contido da solicitude de participación, establece que debe achegarse coa mesma unha “*relación dos méritos alegados e copia simple da documentación acreditativa dos mesmos. Só se terán en conta os méritos que se xustifiquen documentalmente dentro do prazo de presentación de solicitudes*”.

Este apartado das Bases debe poñerse en relación coa Base Décima.1º que indica como se acreditan os servizos prestados (méritos profesionais) no Concello de Vigo e no ámbito doutras Administracións Públicas. Dispón que os méritos profesionais “Servizos prestados no ámbito doutras Administracións Públicas” se acreditarán con certificación expedida polo órgano competente da Administración Pública correspondente, na que deberá figurar, como mínimo: a administración pública, o vínculo o réxime xurídico, o posto o praza desempeñado, o corpo, escala, subescala ou categoría, a porcentaxe de xornada e o cómputo total de días, meses e anos traballados.

Cómpre distinguir entre alegar un mérito e xustificalo documentalmente. A relación de méritos serve unicamente para alegar o mérito pero debe xustificarse documentalmente con certificación.

As reclamacións desestimadas por este MOTIVO 9º obedecen a que o/a aspirante non acreditou documentalmente o mérito profesional -servizos prestados no ámbito doutras Administracións Públicas no propio corpo, escala, subescala ou categoría á que se desexa acceder- coa certificación debidamente cumprimentada dentro do prazo de presentación de instancias que finalizou o pasado 21/03/2024. As vidas laborais non se admiten para acreditar méritos profesionais segundo as bases.



Copia do documento - Concello de Vigo	Data impresión: 27/12/2024 12:15	Páxina 7 de 8
240400270	CSV: A8A2C8-41C932-CCB3B8-FE8KGR-LF2ARE-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

**MOTIVO 10º.- Non cabe puntuar un mérito non alegado dentro do prazo de presentación de solicitudes.**

A Base Xeral deste concurso de méritos (BOPPO nº 249, de 30 de decembro de 2022), vid. Anexo II -Base Quinta-, onde se regula o contido da solicitude de participación, establece que debe achegarse coa mesma unha “relación dos méritos alegados e copia simple da documentación acreditativa dos mesmos. Só se terán en conta os méritos que se xustifiquen documentalmente dentro do prazo de presentación de solicitudes”.

Dito prazo finalizou en data 21/03/2024, polo que só se terán en consideración os méritos alegados e xustificandos dentro do prazo de presentación de instancias.

**MOTIVO 11º.- Mérito profesional “Servizos prestados no ámbito doutras Administracións”: Non se valoran as fraccións de mes.**

A Base Xeral Décima 1.B), aplicable a este proceso, publicadas no BOPPO nº 249, de 30 de decembro de 2022, establece que só se puntuarán servizos prestados no ámbito doutras Administracións Públicas no propio corpo, escala, subescala ou categoría á que se desexa acceder. Non se valoran os servizos prestados como persoal funcionario eventual, sendo valorados os que derivan dunha contratación laboral temporal ou da condición de persoal funcionario interino, sempre que teñan sido prestados no propio corpo, escala, subescala ou categoría á que se desexa acceder.

Outórgase 0,30 puntos por cada mes completo de servizos prestados con vinculación temporal, ata un máximo de 60 puntos. Non se valoran as fraccións de mes, entendendo un mes por 30 días naturais.



Copia do documento - Concello de Vigo	Data impresión: 27/12/2024 12:15	Páxina 8 de 8
240400270	CSV: A8A2C8-41C932-CCB3B8-FE8KGR-LF2ARE-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		